



Broj/Број:
Sarajevo/Сарајево: 11.02.2014.

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r: predsjedavajući, Milorad Živković

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
Organizaciona jedinica	№	11.02.2014	Broj priloga
		01-02-1-6	19

Predmet: Prijedlog Zakona o dopuni Izbornog zakona Bosne i Hercegovine


Poštovani,

Na osnovu člana 99. i 100. Poslovnika Predstavničkog doma, Klub poslanika SDP BiH kao ovlašteni predlagač, dostavlja Vam Prijedlog Zakona o dopuni Izbornog zakona Bosne i Hercegovine, radi razmatranja i usvajanja u Parlamentarnoj skupštini Bosne i Hercegovine.

Predlažemo da se Prijedlog zakona razmatra po hitnom postupku u skladu sa **članom 127.** Poslovnika.

U prilogu Vam dostavljamo Prijedlog zakona s obrazloženjem, odredbe Izbornog zakona Bosne i Hercegovine koje se mjenjaju, te elektronsku verziju Prijedloga zakona.

S poštovanjem,

Predsjedavajući
Kluba poslanika SDP BiH

Saša Magazinović

PRIJEDLOG

Na osnovu čl. I 2. i IV 4a) i e) Ustava Bosne i Hercegovine Palamentarna skupština Bosne i Hercegovine na _____ sjednici Zastupničkog doma održanoj _____ 2014. godine i na _____ sjednici Doma naroda, održanoj _____ 2014.godine, usvojila je

ZAKON

O DOPUNI IZBORNOG ZAKONA BOSNE I HERCEGOVINE

Član 1.

U Izbornom zakonu Bosne i Hercegovine („Službeni glasnik BiH“, br.23/01, 07/02, 09/02,20/02,25/02,04/04,20/04,25/04,52/05,65/05,77/05,11/06,24/06,32/07,33/08, 37/08,32/10 i 18/13) iza člana 14.3 a dodaje se novi član 14.3 b koji glasi:

„Član 14.3 b

- (1) U izuzetnim okolnostima u Bosni i Hercegovini Parlamentarna skupština Bosne i Hercegovine može donijeti odluku o održavanju vanrednih izbora za izbor članova organa vlasti na svim razinama.
- (2) Odlukom iz stava (1) ovog člana određuje se da li će biti održani opći ili lokalni izbori ili opći i lokalni izbori zajedno.
- (3) Vanredni izbori održat će se u roku od 60 dana od dana donošenja odluke.
- (4) Mandat članova organa vlasti izabраниh na vanrednim izborima traje 4 godine.
- (5) Centralna izborna komisija provodi vanredne izbore na način i po postupku utvrđenom ovim zakonom za provođenje redovnih izbora.
- (6) Centralna izborna komisija utvrđuje rokove koji su potrebni za provođenje odluke iz stava (1) ovog člana“.

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“, a objavit će se u „Službenim novinama Federacije BiH“, „Službenom glasniku Republike Srpske“ i „Službenom glasniku Brčko Distrikta Bosne i Hercegovine“.

PSBiH, broj _____ /14

_____ 2014.godine

PREDSJEDAVALJUĆI

Zastupničkog doma

Parlamentarne skupštine BiH

PREDSJEDAVALJUĆI

Doma naroda

Parlamentarne skupštine BiH

OBRAZLOŽENJE

I USTAVNI OSNOV

Ustavni osnov za donošenje ovog zakona sadržan je u članu I 2. Ustava Bosne i Hercegovine kojim je utvrđeno da je Bosna i Hercegovina demokratska država koja funkcioniše u skladu sa zakonom i na osnovu slobodnih i demokratskih izbora, i članu IV 4. a) Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva ili za vršenje funkcija Skupštine po Ustavu Bosne i Hercegovine i člana IV 4. e) prema kojem Parlamentarna skupština Bosne i Hercegovine ima nadležnost za ostala pitanja koja su potrebna da se provedu njene nadležnosti.

II RAZLOZI ZA DONOŠENJE ZAKONA

Obaveza države Bosne i Hercegovine je da osigura funkcioniranje institucija vlasti i na taj način građanima osigura pravnu sigurnost i izvjesnost što je sastavni element principa vladavine prava. S obzirom da su demokratska načela na kojima počiva Bosna i Hercegovina, a koja su utvrđena Ustavom Bosne i Hercegovine, funkcioniranje države, odnosno njenih institucija na načelima slobodnih i demokratskih izbora, to se ukazala potreba da Parlamentarna skupština Bosne i Hercegovine zakonom uredi izbor članova organa vlasti na vanrednim izborima, kako bi institucije sistema funkcionirale i izvršavale svoje ustavne nadležnosti.

III OBRAZLOŽENJE PREDLOŽENIH RJEŠENJA

Ovim zakonom predviđeno je da Parlamentarna skupština Bosne i Hercegovine može donijeti odluku o održavanju vanrednih izbora. Tom odlukom Parlamentarna skupština bi odredila za koje nivoe vlasti u Bosni i Hercegovini se održavaju izbori kao i datum održavanja izbora, koji ne može biti duži od 60 dana od dana donošenja odluke.

Zakonom se utvrđuje da mandat članova organa vlasti izabranih na vanrednim izborima traje 4 godine.

Nadležnost nad provedbom izbora ima Centralna izborna komisija u skladu sa odredbama Izbornog zakona Bosne i Hercegovine.

IV FINACIJSKA SREDSTVA

Za provedbu ovog zakona nije potrebno osigurati dodatna finacijska sredstva.

**IZBORNI ZAKON
BOSNE I HERCEGOVINE**

**(Neslužbeni prečišćeni tekst –
zaključno sa izmjenom i dopunom objavljenim u Službenom glasniku BiH broj: 7/14)**

**POGLAVLJE 1
OSNOVNE ODREDBE**

Član 1.1

Ovim Zakonom uređuje se izbor članova i delegata Parlamentarne skupštine Bosne i Hercegovine i članova Predsjedništva Bosne i Hercegovine, te utvrđuju principi koji važe za izbore na svim nivoima vlasti u Bosni i Hercegovini.

Član 1.1a

Pojedini izrazi korišteni u ovom Zakonu znače:

- 1) "Politički subjekt" podrazumijeva političku stranku, nezavisnog kandidata, koaliciju ili listu nezavisnih kandidata, ovjerenu za učešće na izborima u skladu s ovim Zakonom.
- 2) "Izborna jedinica" podrazumijeva:
 - a) osnovnu izbornu jedinicu koja podrazumijeva općinu, grad Banju Luku, Brčko Distrikt BiH, gradsku izbornu jedinicu Grada Mostara i izborne jedinice gradskog područja Grada Mostara u kojoj se bira i konstituira ukupan broj predstavnika za određeni nivo vlasti i koje unutar sebe nemaju višečlane izborne jedinice,

- ¹ Ovaj neslužbeni prečišćeni tekst sadrži tekst Izbornog zakona Bosne i Hercegovine („Službeni glasnik BiH“, broj 23/01), Odluku o izmjenama i dopunama Izbornog zakona Bosne i Hercegovine („Službeni glasnik BiH“, broj 7/02), Odluku o izmjenama i dopunama Izbornog zakona Bosne i Hercegovine („Službeni glasnik BiH“, broj 9/02), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 20/02), Ispravka zakona o izmjenama i dopunama Izbornog zakona Bosne i Hercegovine („Službeni glasnik BiH“, broj 25/02), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 4/04), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 20/04), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 25/05), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 52/05), Ispravka zakona o izmjenama i dopunama Izbornog zakona Bosne i Hercegovine („Službeni glasnik BiH“, broj 65/05), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 77/05), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 11/06), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 24/06), Zakon o usvajanju zakona o izmjenama i dopunama Izbornog zakona Bosne i Hercegovine („Službeni glasnik BiH“, broj 32/07), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 33/08), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 37/08), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 32/10), Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 18/13) i Zakon o izmjeni i dopuni Izbornog zakona Bosne i Hercegovine („Službeni glasnik BiH broj 7/14).

(11) Birač ima samo jedan glas. Ako se birač opredijeli da glasa za posebnu listu kandidata pripadnika nacionalnih manjina, glasat će tako što će označiti ime samo jednog kandidata na posebnoj listi kandidata pripadnika nacionalnih manjina.

(12) Za predstavnika pripadnika nacionalne manjine bit će izabran kandidat koji dobije najveći broj glasova na posebnoj listi kandidata pripadnika nacionalnih manjina. U općinskom vijeću, odnosno u skupštini općine i gradskom vijeću, odnosno skupštini grada u kojima se dodjeljuje više od jednog mandata, mandati će se dodijeliti kandidatima sa sljedećim najvećim brojem osvojenih glasova prema broju osvojenih važećih glasova.

(13) Odredbe člana 9.5 stav (3) ovog Zakona neće se primijeniti prilikom raspodjele mandata za liste pripadnika nacionalnih manjina za općinsko vijeće, odnosno skupštinu općine i gradsko vijeće, odnosno skupštinu grada.

(14) Pri raspodjele mandata, prvo se dodjeljuju garantirani mandati pripadnicima nacionalnih manjina, a zatim redovni mandati u skladu s članom 9.5 ovog Zakona.

(15) U slučaju da dva kandidata na posebnoj listi kandidata pripadnika nacionalnih manjina dobiju isti broj važećih glasova, mandat će se dodijeliti žrijebanjem koje organizira Centralna izborna komisija BiH.

(16) Ako se ne dodijeli pripadniku nacionalne manjine, mandat ostaje upražnjen.

(17) U slučaju prestanka mandata izabranog nosioca mandata iz stava (12) ovog člana u smislu odredbi člana 1.10 ovog Zakona, zamjenski mandat dodijelit će se kandidatu sa sljedećim najvećim brojem dobivenih važećih glasova na posebnoj listi kandidata pripadnika nacionalnih manjina. Ako je lista iscrpljena, mandat ostaje upražnjen.

(18) Za sve što nije regulisano ovim Poglavljem, primjenjivat će se opće odredbe ovog Zakona.

POGLAVLJE 14 PONOVI, ODGOĐENI I PRIJEVREMENI IZBORI

Član 14.1

Ponovni izbori provode se na osnovu istih kandidatskih listi i istih izvoda iz Centralnog biračkog spiska koji su korišteni na poništenim izborima i provode se na dan koji odredi Centralna izborna komisija BiH, najkasnije 14 dana od dana pravosnažnosti odluke Centralne izborne komisije BiH o poništenju izbora.

Član 14.2

(1) Odluku o odgađanju izbora na određenom biračkom mjestu ili u izornoj jedinici donosi Centralna izborna komisija BiH na osnovu činjenica koje ukazuju da izbore nije moguće provesti u skladu s odredbama ovog Zakona.

(2) Odgođeni izbori provode se ako u nekoj izornoj jedinici ili biračkom mjestu glasanje nije obavljeno onog dana koji je određen za glasanje.

(3) Odgođene izbore raspisuje Centralna izborna komisija BiH.